

開放文學 – 神鬼仙俠 – 東遊記

四二 大破迷魂太陽陣

卻說玉皇陣既破，鐘軍師謂宗保曰：“迷魂陣最為慘毒，可急令五郎破之。”宗保曰：“吾觀正中營中，呂軍師自在，其人變化不測，恐難取勝。”鐘曰：“此處吾自當之。”即吩咐五郎謂曰：“可帶小兒四十九個，各執柳條一枝，陣中但遇妖氣，則令小兒向前打之。復從旗下掘去孕婦之屍，其陣自破。”又令孟良打入太陽陣，抄出其後，接應五郎。且說五郎鼓噪殺入迷魂陣中，正遇蕭天佐，交馬戰上十合，天佐敗走。又遇單陽公主舞刀來迎，不數合，單陽撥馬而走。五郎趕入陣中。又見耶律休哥播動紅旗，妖氣並起，一群陰軍號哭而來，宋軍各自昏亂。五郎令小兒揚威，手執柳條，禦風而進，妖氣漸散。宋軍趕至麾下，掘出孕婦。耶律休哥慌亂，棄陣退走。五郎趕上一刀劈死，殺戰蕃僧無數。單陽公主措手不及，被宋兵刺於馬下。蕭天佐見了提兵來救，五郎衝出陣前，相戰二十餘合，勝負不分。五郎暗把降龍棒打中其肩，化作黑龍而去。

卻說孟良衝入太陽陣中，正遇蕃將蕭達賴，交馬二合斬之。直衝陣後，會著五郎合兵一處，迷魂、太陽二陣遂破。